

Universitätsbibliothek Paderborn

Evropeae Historiae Societatis Iesv Pars ...

Anglia

Bartoli, Daniello

Lvgdvni, 1671

Capvt XVII. De Vvisbicio iterum carcere, & sanctimonia illorum qui eo tenebantur, quamdiu inter se concordes vixere. Cruda illic insectatione vexatur Guillelmus. Defensione Sacerdotum octodecim apud ...

urn:nbn:de:hbz:466:1-10773

nus quem fœdus coeteris , lacerarant , quod autem Vvatsono probra illa
in Patres , vna odij contra illos concepti dictaret libido , ipsem antea
Guillelmo Arkinsonio testatus fuerat , ex quo per literas id item didicit
Blakuellus , se nempe quæ scripserat in Ioannem Gerardum portenta sce-
lerum , scire non modo esse falsissima , sed nec tanto in homine , veris simi-
lia , vulgasse nihilominus tanquam vera in eius odium , & conditionis eius
velut pœnam , nempe quod esset Iesuita . Guillelmi Vvestoni custos hære-
ticus Vvisbicensi carcere detenti , cum ad ea legendo peruenisset quæ illis
in libeticis Vvatsonus de Guillelmo narrat propudiosa , & prorsus indi-
gna , librum à se iratus proiecit , mentiri librum , & libri auctorem iureiu-
rando vociferans , cum ipse tot annos Guillelmi vitam præsens obseruasset ,
comperissetque tam insolentem , & sanctum , ut fide licet ab eo diuersus ,
hunc tamen sibi apud Deum intercessorem expeteret . Sed hæc usque ad
annum 1599. indicta sunt , cui ex rebus Vvestoni perspicuitas accedit
maior nos illum in carcere reuisamus , retexamusque vitam quam illic
annis ab hinc duodecim transegit , curue inde fuerit in locum peiorum tra-
ductus .



*De Vvisbicio iterum carcere , & sanctimonia illo-
rum qui eo tenebantur , quamdiu inter se concor-
des vixere . Cruda illuc insectatione vexatur
Guillelmus . Defensione Sacerdotum octodecim
apud summum Pontificem laudatur . Apud Con-
siliarios Regios calumniam passus , Londinum
transfertur , & carceraria crypta ærumnosissima
conditur . Infelicissimus illorum qui eum vexar-
uerant exitus .*

C A P V T XVII.

VISBICIS carceris diuersa ergastula in Cantabrigiæ ins-
lubri , & planities nuper statuimus , restagnationibus aquarum
obnoxia , quæ latè ex mari refusæ in cæcas lente moriuntur ,
& putrescent lacunas cœlumque vitiant . Captorum ergastula
sive cubicula cingit castrum mutis item , & fossa præcinetum ; intus , quod
olim à Præsule habitatum , nunc semitorum conclavium reliquæ vere ,

G g g

res, plusque ruinarum quam fabricæ. Has ante Vvestonum viri magni habitatione sua virtutibus, & morte pretiosissima consecratarunt, Thomas Watsonus Lincolensis Præsul; Ioannes Fecknamus, Abbas Vvestmirensis; Vvodus Reginæ Mariæ à confessionibus Sacerdos, pluresque alij. Incolebant tristia rudera triginta quinque ut plurimum, seu morte, seu perpetuis damnati miseriis; viua certè omnes inter parietinas pensiles sepulchra Quidam suo in cauo soli; nonnulli cum sociis. Claudi omnes tam arctè primis sex annis quos egit ibidem Vvestonus, ut egredierentur nunquam nisi omnes simul, idque ad prandium vnamque ad mensam, cuius vnum ad caput accumbebat Graius vxor ad alterum, ne quid super mensam clam iis, dici posset. Graius porro curator carceris, homo ferus, & bilis accerrimæ Puritanus; ab Catholicæ vero tam pertinacibus odiis auersus ut profitetur demens, si sibi constaret, nisi apud Papistas Dei gratiam, & salutem nusquam reperiri, sibi tamen futurum optatius datum mori, quam Papistam seruari, & viuere. Cuius impiissimi voti homo nequam, compo factus, vitam pessimam morte clausit, qua suos etiam Puritanos grauissimè terruit; sed filiolæ suæ, pridem feliciter nutantis conuersionem integrè absoluit. Virgo erat Ursula nomine acuto ingenio puella, Caluinum solita lexitare, aliosque erroris patrij scriptores, & ab suis audiri, obseruarique instar prophetidis: sensim illam sermones qui ab Catholicis de Religione mouebantur; tum de sua cum ipsis hæresi contentiunculæ; parentis denique Puritani obfirmata in exitium rabies, errorum suorum fecere apprimè consciam, planeque inimicam. Parens mente illam, ac vita, ut pro Catholicæ se palam gerere deprehendit, doloris impatientia, prope in amentiam decidit, & frustra conatus miseratione, ac lamentis eam à proposito reuocate, die quadam furens, capillis correptam ingulaturus instabat miseræ, si culter ad manum quem poscebat fuisset. Illa ex eius elapsa manibus, in vicum aufugit Protestantibus habitatum, ubi unus illi occurrens Catholicus, illo in pago residuus, receptum domi suæ dedit, moxque illuc fuga ereptam subduxit ubi vitæ, & conscientiæ secura, virtutum omnium documentum omnibus, extitit, sed tolerantiae præsertim, cum morbis grauissimis ita conflectata, ut acquiesceret iis læta & beata velut diuinæ voluntati. Diuini quoque patrocinij est seruata F. Thomæ Pondo vita, (de quo nos libro huius historiæ priori sat fusè) accumbebat is inter alios Vvisbici, cum lacunar suopte depresso pondere vetustas cariosa putrefactis deiecit trabibus; oppressura omnino ruinis Pondum, nisi præter consuetum, media illa hora abfuisset. Quod ne casu factum putaretur, sed peculiari Dei nutu, de lacunari corruente, tantum parieti affixum pendit incolume, quantum erat necesse ut subiectum altare vmbellæ instar protegeret, nec damni quicquam ex ruina sensit, quisquid illic sacri erat expositum. Sed iam carcerem repetamus.

Iuri dicundo Præfecti quatuor Londino missi, potestate propria carceri præerant; qui extraordinarias ad causas, viros prudentes duodecim Vvisbico pago in consilium adsciscerent: affari clausos fas erat nemini, nisi ministellis

nistellis acturis de Religione, & piorum stipem qua sustinebantur ad eos ferentibus. Sub serum diei occludendis portis, & ponti ductario tollendo praesto erat sub signo manipulus peditum, quorum pars intus obseruabat, totam noctem pars castro circum ibat. Leges captis seruandæ, quæ multæ, quæ rigidæ prostatabant illis publicè in cartacea tabula. Præfecti subinde introgressi perscrutatione improvisa, omnes angulorum rimabantur fissuras; nunquam tamen felices tam infeliciter ut detegerent latebras quibus diuina ad sacrificium supellex condebat, quod erat unicae afflictis consolationi. Affligeant enim maiorem in modum, contrastabantque illos Puritani vicinis è pagis turmatim in castrum confluentes ut sua illic peragerent Orgia; & narrat Vvestonus supra mille interdum ab se recentitos cum suis iumentis, bibliorum onustis traductione vernacula Geneuen-si, quam cum suam quisque exposuisset præ oculis, altercabantur iuuicem, de sensu nunc eius, nunc alterius loci legitimo, cumque apud illos ad perfectam Theologi laudem sufficiat, esse Puritanum; conueniebant indiscriminatim in circulos, virti cum feminis, cum pueris senes, rustici, nobiles, Doctores prædicantes & promiscuo clamore digladiabantur, quærendo, exponendo, probando, explodendo, tam inconditis vocibus & iratis, ut ab iis ad conuitia, à conuitis ad manus veniretur, adeò certum est & extra dubium, lumen illud beatum quo se quisque illorū iurat instinctum cœlitus à spiritu sancto, ad perspiciendam paginarum sacrarum sententiam.

Exacto Vvestonus sexennio, alij citius à Præfectis, & custode improbitate precum denique exorarunt, ut miseriarum, & loci angustiis soluti custodia libera fruerentur, intra castri dumtaxat ambitum; viserentur amicè à Catholicis quibusvis ad occasum solis; colloquerentur liberè, proculque arbitris; talarem induiti clericalem, incederent, suaque, quod erat omnium maximum, Sacerdotum obirent officia, dum ne id fieret quibus temporibus Puritani suas ibidem cogebant synagogas. Igitur inter se statuunt tanto ambitu peritam, tanto concessam libertatem, in religiosi cœnobij disciplinam, formamque digerere, ad signum campani domestici omnia peragi; mira nullo iubente parentium obedientia; priuata munia, & quæ affluebat piorum largitas, & victus, omnia in commune. Statæ prælectio-ni de Theologia Morali, de Scriptura Sacra, de linguis Græca, & Hebræa horæ. Concionibus præterea quibus ad pulpitum fingerentur priuatim tirones, & quibus publicè eruditetur auditor non infrequens. His longè fama celebratis, prodigo erat Angliæ yniuersæ Vvisbici carcer: de Docto-ribus nihil dico, qui usque ab Cantabria illuc ventitabant cum curioso lectorum iuuenum comitatu, disputatuti de Religionis capitibus; de Catholicis tantum ago quos sua vndique toto Regno mittebat pietas ad celebrandos partim anni dies augustiori cultu venerandos, & participanda sa-crorum mysteria; partim ad visendos confessione Christi iam nobilitatos; ex qua illotum carcer in religiosum euaserat locum, & piis peregrinatio-nibus frequentandum. Grauissimorum de conscientia nodorum, ex eo Collegio solutiones quærebantur, & responsa scripturis Protestantium

reddenda, contendentibus præsertim fas esse Catholicis eorum tempora ratiusque adire. Horum intus & foris tot ac tam utrum diuinorum operum, vel auctor, vel magna pars Guillelmus Vvestonus, cum aliis de Societate, qui detinebantur eodem carcere, P. Thoma Mettamo qui vitam ibidem morte absoluit gloria anno 1592. Thoma Pondo habitatore illius carceris antiquo; Roberto Bickleyo etiam tum nouitio & tyrone, qui omnes operum quæ dixi curis cōmunitibus addebant quæ Societati sunt propria, quoad locus ferret, meditationes; Examina; Exercitia S. Patris votorum instaurations; collationes mutuas de rebus diuinis, & alia Collegiorum vſu trita.

Tam sanctus, & nobilis carcer; tam fructuosæ, ac celebris tota Europa famæ, nullus satis deplorat, ac lamentetur dolor, quam fuerit in contraria omnia repente pessum datus, illamque detestetur multitudinis conditionem miserrimam quæ stare in gradu perfectæ virtutis propterea nequit, quod perfecta virtus paucorum sit; valeatque plus unus ad multos corrumpendos, quam multi ad unum integrati amissæ reddendū. Quod gemit martyr Cyprianus ad Christi confessores scribens, eodem septos, iunctosque carcere, sed animis diffitos, & diuulos, hoc sensit Vvisbicensis carcer. Mali huius Origo tres homuli, nullius doctrinæ, pretij, nominis. Proinde nec illos nō nō mino, maloque historiam ominosis carere, tribus vocabulis, quam ferre capitum inauspicatoram propriam mentionem. Primus ob sua haud sanè ferenda commerita, Roma pulsus à Cardinali Anglorum Patrono, gradum emit Doctoris in quadam Academia, contra summi Pontificis expressissimum mandatum, anniquevnius qualicumque studio magnus Theologus, os suum Angliæ inferre ausus est. Tentus illico, & ad Cæciliū perductus ærarij præfectum, Turri Londonensi concluditur ex qua facile impetratum tulit, vt cum Guillelmo Vhitakero sua quædam de Religione conferret dubia; primas Theologiae docendæ partes Vhitakerus in Cantabrigia sustinebat, indeque suo, Calvini, & Lutheri ore, in Catholicam veritatem, trifaux Cerberus adlatrabat. Hic suo cuiquam fratri, professione Prædicatori hominem committit intégrè dementandum, à quo paucis exinde mensibus Vvisbicum mittitur, ubi mox tanquam sol minora sydera defectione luminis sui damnat, prærogatiuam Doctoris, gradus insignibus confirmatam, tanto fastu, ac strepitu toties ostentans vt tantum non eius Academicum diploma affixum pectori præferret; quo ne frustra tumere videretur, positas quæstiones, eò decidebat audentius quæ erant intricatores, et si vt plurimum, aduersus communem aliorum sensum, ne se vel hoc ipso, unum ex aliis fateretur, sed monstraret saltem soliditudine illa singularem. Sic Graio morte horribili sublato cùm substituisset Cæcilius hominem, iurisdictionis fines ultra fas porrigentem, & arrogantem sibi suo modulo maiora, nouus hic è tripode Doctor, vt anteufereret eius gratiam falsa sententia emere, pronuntiavit non licere modo, sed ex officio conscientiæ habendum pro legitimo iudice personarum, causarumque Ecclesiasticarum. Sacerdotem ergo qui socium carceris Sacerdotem grauiter verberarat, effugiis haud seio quibusnam, sic ab.

ab canonis pena immunem statuit, ut nec anathemate solutus; nec conciliatus percusso Sacerdoti, nitentibus in oppositum sociis pergeret diuina quam ceteri non timidius usurpare. His & similibus cum non esset Vestono liberum non obstare, in tantum furoris exarsit homo frabiosus, ut cum quoties occurrisset morderet conuiitiis, indoctum, temerarium, & haereticum fugillans, eaque de illo & scribens, & in illum mouens, quæ statim referemus. Alter è tribus professione arteque medicus, suas opinor oblaudes egregias carceri addictus, pestem loco inuexit, nihil de Catholicis retinens præter vocabulum, turbulentus, infamis, offensionum sator, & cum theologastro illo Doctore, Doctor quoque ipse in medicis, ita iunctus, ut vnum putares, nisi ex duplicitibus quæ inferebant dannis sensisses duos esse. Tertius fuit, quem siebam, Sacerdos, percussi reus Sacerdotis; Prædicantis olim apud Caluinistas ministerio functus; inde Catholicus, sed mutata in melius fide, inueterata Prædicantis vitia nequaquam exutus Religione Catholicus vita haereticus, sic vino iram & cerebrum assidue mancipans, ut appareret impos sui. Ac principio quidem discors ab omnibus, post longè damnosius in triumviratum duobus cum aliis, concors, qua tricipiti factio abduxere ad se alios tredecim ex triginta duobus quos diu cancer ille instituerat omni probitate. Nunc quotidianum istorum pensum, confabulari cum Protestantibus Vvisbi ci oppidi, ludere, commessari, sobrietatem aliorum, naso suspendere; quibus initii, ut solet, in grauiora sclera, & offensiones exeuntibus, qui restabant probi nouemdecim, segregare se ab iis coacti sunt, ne reorum culpa infamarentur innocentes, crederenturque non diuersè ab iis viuere, à quibus non erant habitatione, teatoque diuisi. Conficienda rei modum inter se dum consulunt, anteueruntur facto ab iis, eorum consilium iam subodoratis; & pudorem quem erant electione subituri, discessione vtronea præoccupantibus; in qua licet omnia inuasissent, tametsi communia, quæ minus erant incommoda, nec iis ad quietem, nisi humum nudam reliquam fecissent, vexarentque illos conuictorum, & oris maledici perpetua grandine, insimulantes superbiam, seditionis, & schismatis, leuius tamen hæc, ipsaque adeò viræ pericula ab iis ferebantur, quam dissoluta prauorum licentia, eiusque sibi pariter imputandæ, quod erat procliui, discrimen.

Seiunctum ergo intra muros, quantum interius potuit, metati locum, illuc sibi præclarum operum ordinem formarunt, dignumque Sacerdotio, quo præter Pondum omnes prædicti erant, & dignum hominibus mortem pro Christo quotidie operientibus. Ad delectum viuis qui cunctis præcesset confluxere vltro in Vestonum omnes, solus ipse, se contra, omnibus obstitit, aiens sibi omnium minimo sat esse, quod vel unus esset ex omnibus. Rem tamen ad se singulorum delatam literis probavit iussisque Garnetus, sed prudenti hac lege, ne præpositi nomine, sed directoris præcesset Vestonus; ne peculiari & proprio sederet loco; ne cum potestate impetraret, aut reprehenderet, aut ius dissentientibus diceret. Suo solum consilio rogantes, & præsidio iugaret; quod et si ferè plus nihilo concessum.

Gg 3

exaggeratum est ab aduersariis magna mole , calumniantibus Vvestonum , qui dissidiis animorum , & discessione , monstrsam illam aucupatus esset Præfecturam , qua Religiosus Sacerdotibus secularibus præfiebatur . Tan-
to literatum per Angliam , & extra , Romam vsque commeatu , & strepitu
querelæ perlatæ sunt , vt Aquauiae Generali modestissimam sui rationem
compelleretur Vvestonus exponere , & de suis illis Sacerdotibus sociis ad
Clem. V III. destinare , qui causas ederent , ob quas illum sibi præfici ro-
gassent , quod cum minimè impetrarent , obtinuisse faltem illum Directo-
rem , & velut speciem vimbramque Præpositi : horum ex oculis & testi-
monio Sacerdotum habemus de sanctimonia Vvestoni , in Vvisbicensi cu-
stodia , de implacabili corporis odio & cruciamentis eius spontaneis , cum
esset totus in alios melleus vultu serenus atque affabilis , licet compositus ,
& grauis ex longa vero tot annorum tolerantia palestra , patientiam ade-
ptus , tam imperturbatam ut contumelias inter grauissimas nihil ei vnquam
exciderit iratum , sed æquabilitatem animi , & colorem vultus eundem sem-
per tenuerit . Testatus autem est sed aliquanto post Præfetus custos Tur-
ris Londinensis Papistarum quos ipse habuisset fuisse neminem patientia
heroica Vvestono parem : somni erat paucarum horarum , ac ferè in tabu-
lis storea instratis , noctis reliquum in preces ibat ; quanto porro ardore
pietatis conciones pararet orans , significabat copia lachrymarum quibus
illi gemens plaudebat auditor : ægroti si aderant noctes apud illos exigebat
insomnes sibique hanc peculiarem referuarat curam , ut iis necessaria om-
nia videret ; nec se premi sinebat liberalitas eius misericors intra carceris
angusta , portrigebat se in omnes , quicumque illam implorassent , suppedita-
batque illi Deus ex larga piorum charitate , quo illis succurreret ; vnde
illud ut suum minimè asseruabat , sed primi agentis , qui cum id posceret ,
videbatur illi apud se depositum repetere potius quam rogare . Alienis
vero sic erat solitus mederi incommodis , ut sua semper posthaberet , sibi-
que interdum mutuo ad vietum necessaria sumeret , quod quæ habuerat
omnia iam in pauperes erogasset . In ministerio animarum quantus esset
longum sit referre , Hebræa , Græca , Theologiam morum , controversias
quæstionum , prædicationis sed veræ , & Apostolicæ artem nobis tradebat .
Summus eius & præcipuus labor de perplexis atque inuolutis conscientiæ
dubiis distinctè sanèque respondere , quæ hoc toto è regno extricanda mit-
tebantur , dare consilium in casus lubricos , periculosos , & nusquam non
obuios , calamitosæ illius Christianitatis ; & corroborare Catholicos , & con-
solari prolixis literis . Consulebatur enim velut oraculum in cunctis ad
scientiam doctrinæ pietatisque spectantibus ; adibatur præterea tanquam
optimus patens , aut iis quos metus aut dolus transuersos egerat in simula-
tionem aliquam hæreticæ infidelitatis . Pandebat omnibus brachia & pe-
ctus , teneriterque cum iis flens , & dolens , eorum vulneribus medebatur ,
nihil ad ultimum spectari mirabilius poterat manipulo illo tredecim sedi-
tiosorum , in eum atque in nos iurato , sigillatim ac simul , insaniente in il-
lum indignitate omni , quæ potest projectæ conscientiæ hominibus in
mentem

mentem venire. Vestono ex alia parte prossus immobili, nihilque in iis, aut ab iis dolente, præter offensionem Catholici populi, & Dei offensam. Imo illos inter se reconciliante, cum probris, minis, & prope manibus inuicem sœuient, coramque genua flectente, ut mutuam ab iis inter se pacem exoraret, quamvis inter se placati, & concordes, peius in illum quam ante furerent. Tam longè attamen à pace illius turbanda aberant, vt illustri amico plurimum inuitanti ad fugam è carcere, quam illi parauerat, quo se ab illa improborum vexatione assidua liberaret, paucis responderit, se sibi, & aliis fructuosius in carcere degere quam extra carcerem.

His rationibus ad summum Pontificem suo munitis chirographo, Sacerdotes octodecim Vvisbensi ex carcere testabantur Vestonum, se reluatantem licet delegisse, vt eius prudentia regerentur, nec se ullum censere usque ab Indiis tanta veræ humilitatis laude clarum, tantum aberat ut posset calumnia fastus illius vimbra ei officere. En nihilominus Vestoni ipsius ex literis ad Præpositum Aquauiam, quibus ipsum coloribus aduersarij pingenter; quo nempe retro ab Indiis, nullus esset facinorosior; ad minas, inquit, vociferatus, & terrores, quibus perpetuis infestamut, ad ipsas etiam carceris nostri fores, addidere famosas literas, & præcones qui fonda infanda nobis ideo affingunt ut populi odia, & indignationem plebeculae contra nos incendant; cælatisque data opera dissidiorum causis falsas perfidiosè substituunt; quod simus hæretici, schismatici, auari, ambitionis, & quid non? quod furens inuidia, & odij rabies, abominandum linguæ suggestere, auresque puerorum, virorum, feminarum, nullo discrimine omnium, quotidiana in nos maledicentia incestare, ac persuadere hominibus, nos esse mundo, & luce indignos. Sed ubi, quod multum sperauerant ad vexationes huiusmodi redimendas, redditus nos ad vitam non cum iis modo, sed ex iis agendum, nihil quicquam moueri, aliò consilia vertere; duos foris accersunt causæ huius cognitores, & Iudices quorum auctoritate compelleremur ad eos accedere. Horum alter Doctoris insignibus, scientiæ nomine, & canitie venerandus, nolens causa indicta, & partis alterius defensionibus inauditis pronuntiare de iure questionis tam indigne ab iis, & contumeliosè extrusus est, ut cœlum versus attollens brachia, & velut extra se, repetens exclamat IESV! IESV! & hoccine est Catholicum esse; essetque unius è nostris comitatu ad portam deducendus quoad eorum è manibus securus existet] hoc suis literis Vestonus. Quo factum, nisi potius votis ad Deum supplicibus, & patientiæ insuperabilis constanti arguento, vt ex aduersariis tredecim, relipiscerent quatuor, & & in Vestoni amplexum refugerent, cum mutua vtinque consolatione. Ex nouem residuis peruersitatis suæ tenacibus cum duo aufugissent, alter ab suis ipsis propinquis tentus, vel miseriarum perpessione absimptus contabuit, vel ab interitu proximè absfuit. Septem alij sic ab se distracti, vt quadrifariam scinderentur, unus Episcopi Londinensis emissarius factus est, inter Sacerdotes rixarum fautor, Rodolphus Itel sacrilegè impudens, non modo ad hæreticos defecit, sed Prædicantis munus in iis obiuit. Me-

dicus quo peioris linguae Vvestonus senserat neminem, dum manum sa-
premam calumniis admoueret, quas cum suis in Patrem consarcinauerat sub-
typos mittendis; plaga dupli, de cœlo ictus est. Primum enim repente
obmutuit, sic deinde certo cerebro euersus ut stupidus fieret, cumque
nihilominus diebus aliquot superstes documentum terroris in carcere va-
garetur, improviso ictu instar cadaueris in terram allitus, alienatusque ab-
se, & sensibus nullo pœnitentis, & Christiani hominis dato indicio, ani-
mam eiecit; cuius porro in manus loquantur eius acta præterita. Longè
interea Londini fœdior in Vvestonum surgebat tempestas, illorum septem
fœta calumniis qui se posse illum recuperare solum desperabant, nec eius
tamen poterant oculum, & censuram pati. Accusabant Vvestonum per-
duellionis in caput Reginæ coniurati. Ad hoc secreta versare consilia cum
Cardinali Cajetano Anglorum tutelari; cumque tunc rebellij nihil; pro-
ditionum nihil fingeretur cui non allineretur color aliquis à Papa, & Re-
ge Hispaniæ quæsitum, vbi præserrim de Sacerdotibus & Catholicis age-
retur, intexuere utrumque accusationi, Vvestonus cum Sacerdotibus
carceris sociis coniuratorum corpus creduntur confitare ad euentandam fun-
ditus Angliam. Probabiliter, nec ne, in securum itur. Iuris Praefecto Vvis-
bici mandatur, Vvestonum cum tribus quos de nomine citabant Sacerdo-
tibus Londonum transportet. Praefectus consultò tempus legit quo suum
quisque extra carcerem simul discumberent. Adebat stipatus armatorum
manu, stansque media in porta rectus, Edmundum Vvestonum (nempe
vt ante significauimus) Guillelmum, nomine accersit, tum duos Sacer-
dotes Egidium Arcerum, & Christophorus Southuortium. Postremò
F. Thomam Pondum suo quemque tradetis singulare custodi & proprio, à
quo aliorum prohibetur affatu, & accessu. Vacuum exinde perlustrans
carcerem, quicquid libuit secum auferat, maximè literas, & scripta, & quic-
quid ad sacra pertinebat, stentibus vbertim, & deplorantibus orbitatem
suam, quos parens optimus suo nudatos præsidio cogebatur furenti auda-
ciæ aduersariorum discedens permittere. Hiems erat cruda; iter tridui
Londonum, multis vt ea tempestate incommodis constitum præter mole-
stias, quæ à trahentibus potius quam duecentibus accedebant. Londonum
ingressi horas duas, inter solutissimi populi scommata, & iocos quibus
maximè Vvestonus petebatur ex Societatis habitu notus & inuisus præ-
stolantur se tandem quid fieret. Coasti demum decreto consilij, suo quis-
que carcere clauditur. Vvestonum exceptit, tam horrenda, præter alias
ætumnas ergastuli sui graueolentia; vt, quod ipsem scribit, præfocare-
tur illius mephiti, sentireque fore naturæ proclivius semel mori, quam
diu in tantis durare miseriis. Siue autem ad vnam custodiam seu magis ad
cruciamentum aptus esset locus; capi somnus illic non poterat, nisi defe-
ctum vigilia, & viribus corpus, humi prostratum concidisset. Maligno lu-
mine quod angustum mittebat balistariæ foramen fenestellæ, pænè oculos
amisit. Diem totum ad eam applicitus, facras perpetuo legebat, relege-
batque paginas, vna illarum consuetudinæ beatus, adeoque in iis diu tritus,

vt

ut diceretur omnes memoria tenere. Euoluto illic biennio custodem accepit paulo mitiorem, qui ascensum ei pandebat in te^ctum ergastulo immensis ad cernendum liberius cœlum, lucem viuam captandam, & auram minimè pestilentem, sed corrumpebat beneficij gratiam, negligentia illius, & contemptu, inductum enim in superiorem prospectum cum recedens clausisset, ante quartam interdum noctis horam ad eum non redibat, cœlo interea, imbris, frigore, aliisque iniuriis ingruente, quorum ei nullum dabatur leuamen præter sui cauum ergastuli cui denique restituebatur; interdiu vero ibidem consistens à colluie hominum, ex editiori tutum vicinarum probris, & conuictorum grandine vexabatur, nonunquam etiam saxonum. Quod patientiæ quæstuosum, & nobile studium decurrit Vvestonus ab anno 1559. ad Elizabethæ mortem, post quam cum multis aliis, Anglia pulsus est, nouo Rege Iacobo, exilium iis beneficij loco indulgente. Ex iis autem scelestis, & perfidis qui nostros atroci criminacione Vvisbico expulerant Vvestonum & Pondum, acerbo suo cum dolore, & ambitu suo cæsi quatuor minimè expectati, sed nec cogitati, quarto post mense adstitere; magna proborum consolatione, grandique virtutum ac spiritus exemplo, quo splendere opertet homines, tam alta, & ardua professos.



Ab Secretario seu Scriba Reginæ cassa consilia. Sacerdotum & Catholicorum vexatio incrudescit. Carcer, & mors P. Rugerij Filcockij. Anna Linæ virtutes, & merita, eiusque Germani Gulielmi Heighami; & P.D. à S. Marco ex venerabili ordine S. Benedicti.

C A P V T XVIII.

Novo cum seculo, noua exigitant Angliam de Religione, & summa rerum consilia, inania vtraque, mouentium imbecillitate; eam ob rem illa nisi leuidense non attingo, et si mihi eius ex literis nota sint, qui multus in iis erat. Nitabantur hæc versatibus fallaciis, & machinamentis junioris Scribæ quem Elizabetha habebat à Secretis. Hic immensum quantum suo ingenio, & vsu rerum nonnullo confisus, potentiaque supra quam Secretarium deceret, in eam venit amentiam, ut putaret se posse amanuensis stylum sceptro Angliæ mutare. Ad hoc cœpit mouere de Arbella Stuarta in uxorem ducenda cum titulorum iure multi-

H h h